

Paus 'pengintip' Russia, Hvaldimir ditemukan mati

UM 3/9/2024 pg 40

RISAVIKA, NORWAY: Seekor paus beluga yang dipercayai dilatih sebagai pengintip oleh Russia, ditemukan mati di selatan Norway, pada Sabtu lalu.

Bangkai haiwan yang diberi nama Hvaldimir, ditemukan terapung di kawasan luar bandar Risavika oleh Marine Mind, sebuah organisasi yang mengikuti pergerakan paus itu selama bertahun-tahun.

Pengasas Marine Mind, Sebastian Strand, memberitahu agensi berita AFP, punca kematian belum

diketahui kerana tiada kecederaan pada tubuh Hvaldimir.

"Bangkai haiwan itu telah dibawa ke pelabuhan terdekat untuk pemeriksaan.

"Ia akan dibedah siasat oleh institut veterinar," katanya kepada AFP.


Paus tersebut pertama kali dilihat di perairan Norway lima tahun lalu, dilengkapi kamera GoPro yang dipasang pada badannya dan tertera perkataan 'Peralatan St Petersburg'.

Penemuan tersebut juga

menarik perhatian kerana paus beluga jarang dilihat sejauh itu.

Ini menimbulkan spekulasi bahawa mamalia itu mungkin merupakan paus pengintip Russia, sesuatu yang menurut pakar pernah berlaku pada masa lalu.

Moscow tidak pernah memberi respons terhadap dakwaan tersebut. - AGENSI



BANGKAI Hvaldimir ditemukan terapung di kawasan luar bandar Risavika, pada Sabtu lepas. - AFP